

佛祖統紀卷第五十三

宋咸淳四明福泉沙門 志磐 撰

歷代會要志第十九之三

北天佛牙 鄒山舍利 鳳翔佛骨

陳留佛指 瑞像應世 聖賢出化

立壇受戒 設像置經 建寺造塔

西天求法 東土譯經 經目僧數

天台傳教 禪苑傳燈 律宗垂範

神尼異行 名山勝迹 聖教感通

持誦功深 西遊樂國

北天佛牙

唐高宗宣律師在西明寺行道北天王太子

永樂北藏

佛祖統紀

以佛牙上於師。代宗敕問文綱律師親傳
先師宣律師釋迦佛牙宜詣右門進上副朕
瞻禮

宋太宗建啓聖禪寺奉優填聖瑞像釋迦佛
牙太祖親緘銀塔中初太祖疑佛牙非真取
自洛以火煨之色不變遂製發頭文太宗復

驗以大親製倡讚真宗迎供瞻禮神光洞幾
遂製讚仁宗以三朝敬事迎置禁中於中
得一舍利因為製讚慶歷三年久旱迎佛牙
入內殿祈禱須臾雨大注復製發頭文。英
宗敕大相國寺造三朝御製佛牙讚碑學士
王珪撰文。徽宗敕迎三朝御讚佛牙入內

第二〇〇册

永樂北藏

佛祖統紀

第二〇〇冊

供養隔水晶匣舍利出如雨因為製讚

鄒山舍利

周厲王佛滅後百年中天竺阿育王取釋迦舍利作八萬四千寶塔勅鬼神於關浮提城邑滿一億家為立一塔

漢明帝問摩騰曰白馬寺東有危陁民呼聖

冢騰曰昔阿育王歲舍利八萬四千塔震旦之境有十九處此其一也帝俱往禮拜詔造塔其上九層二百尺

晉武帝劉渚訶入地獄見觀音大士謂曰可往洛陽重刊臨淄建鄴建康長鄒陰今甯成都五處有阿育王塔頂禮悔罪既蘇出家

名惠達至鄒縣烏石山聞鐘聲斷土求之得

舍利寶塔飛至一山乃即其地建刹奉塔隋

舍利王山舍利○安帝敕鄒山造塔亭檀室度

二十七僧住持守護

宋文帝遣僧道祐廣興創建鑿基得大石函

頗黎鍾金合銀罌安三法身舍利

梁武帝敕造木浮齒堂殿房廊賜額阿育王

寺○岳陽王蕭譽修木浮齒為五層鑄金銅

像五百軀

陳宣帝遙敬寶塔度二十七僧

唐中宗敬仰寶塔敕送供施委沙門揆曠如

法者大○國清智晞至寺禮八萬四千拜忽

感紫文印右臂終身不沒。肅宗內供奉子
璘母亡岳神令往鄧山禮塔可免母罪璘至
寺禮至四萬拜母現身塔前曰吾承汝力已
生忉利。宣宗四明道俗八千人於育王寺
供舍利塔天花紛墜放五色光。懿宗觀察
便揚嚴奏舍利寶塔靈異敕度三七僧嚴奉

香火

梁末帝吳越王錢鏐遣弟鐸往迎育王山舍
利塔夜放光明浙江如畫

周世宗勅翰林承旨陶穀入寺禮敬見舍利
紅色

宋太宗吳越王入朝僧統贊寧奉釋迦舍利

永樂北藏

佛祖統紀

塔入見滋福殿。高宗親洒宸翰賜佛頂光
明之塔。孝宗遣內侍李裕文至育王山迎
佛舍利塔詣行在所奉安觀堂焚香瞻禮見
塔上有月輪相及水晶珠皇太子請至東宮
瞻禮見相輪粲然如水晶珠上書妙勝之
殿以安塔所。皇子魏王來鎮四明往寺瞻

碼十

三

禮寶塔見豪光青赤交眩因造金塔奉安舍
利塔於中作贊四章刻于塔之四旁。寺東
一里有聖井靈鰓欲出則有二紅蟹若前驅
者錢武肅王迎塔至錢唐夢一菩薩首戴結
綬華冠兩掖挾蟹云是育王聖井靈鰓來護
塔耳

已上並見宋僧此所
作舍利塔傳更錢傳

第二〇〇册

鳳翔佛骨

唐高宗詔迎岐州法門寺護國真身塔釋迦佛指骨至洛陽大內供養皇后以金函九重舍宣律師送還岐山。肅宗詔迎法門寺佛骨至禁中禮敬傳至請寺瞻禮。德宗詔迎法門寺佛骨入禁中禮敬歷送京城十寺世

傳三十年當一開則歲豐人安韓愈上表諫貶潮州。文宗岐山法門寺佛骨塔慶雲見懿宗詔迎佛骨三百里間車馬不絕公私音樂儀衛之盛過於南郊上降樓迎拜

陳留佛指

宋仁宗敕迎陳留佛指入內試以烈火擊以

金鏈了無所損俄而舍利派出乃製發願文送還本寺初是有梵僧來陳留闡教寺施天竺佛指瑞光屢發。徽宗方士盛言陳留佛指乃海狗骨詔取驗之火焚鐵捶十餘日色不变乃加禮送還

瑞像應世



晉愍帝吳朱膺於松江得二石像銘曰維衛佛迦葉佛迎至通玄後漁者得二石鉢見佛像在鉢際遂送寺中。明帝海上網得文殊金像陶侃迎至江州溺水中後達法師起東林神運閣至江橋之得其像。成帝高惺望江浦五色光得金像置長干寺後網得銅華

趺梵書云阿育王第四女造。孝武沙門曇
真見江陵城北五色光得一銅像頭云阿育
王造

宋高祖司徒王謐見東掖門地有光得金佛
高七尺二寸。文帝都人孫芳曾妻王惠稱
見江浦有光得金佛一軀。孝武廬陵太守

周湛造金像高九尺三寸言僧法均至三曲
江見光浮水面因獲此像

梁武帝夢釋迦檀像入國乃遣那騫等西行
求像至舍衛國天監十年負像東還帝率百
僚迎入太極殿。西天沙門自舍形干異中
寶岩寺像夜起行道梵僧云是智積菩薩

唐宣宗會昌毀寺二僧負東林文殊像藏錦
繡谷峯頂寺復訪像不獲忽圓光涌於空表
自是峯頂天池常見聖灯百千文殊出沒
宋太宗陸澤人王緒見白兔逐之入穴見石
佛五十身軟就邑寺奉之。通利軍建城掘
地得大石佛十身詔建淳化寺奉其像。真

宗詔送金欄加沙往羅浮中閣寺奉釋迦瑞
像此像來自西天。神宗詔迎衡州玉塔入
京師阿育王所造第九塔也。哲宗袁州仰
山舍利石塔自然出現。袁州木平山舍利
石塔出現夏早太守王古禱于木平塔白衣
大士出現復往仰山塔泗州大士維摩居士

出現。袁州東山羅漢像出現。徽宗金州
素獲石羅漢大放光明

聖賢出化

癸

室利房秦始皇時自西域齋佛經來化帝以
異俗因之云。摩騰竺法蘭漢明帝時以白
馬馱經自天竺來後人有經末之句。宋真宗騰

馬十

五

摩騰真身製讚。康僧會魏齊王時自西域
至吳後人有傳到之句。唐高宗時云。祇域晉武
帝自西域至洛陽。佛畵澄晉懷帝時自西
竺至洛陽石勒奉之。單道開晉穆帝時
杯渡宋文帝時。誌公觀音化身始宋明帝
十一年終梁武天監十三年。達磨觀音化

身梁武大通元年自南天竺來。北魏文帝
大統元年自梁入魏。傳大士弥勒化身出
婺州烏傷縣梁武帝中大通六年云。大同元
年云。陳文帝天嘉二年云。宣帝大建年
間云。陸法和梁武太清云。北齊天保云
。稠禪師北齊天保云。法喜隋煬帝云

豐干弥勒化現寒山文殊化現捨得普賢化
現唐太宗正觀七年云。杜順文殊化現唐
正觀年云。寶掌高宗顯慶。萬回觀音化
身高宗咸亨。中宗神龍。睿宗景雲。泗
州觀音化身中宗神龍。代宗大歷。僖宗
四年。宋太宗僧伽塔水光。真宗謚普照

明覺大師。徽宗京師大水僧伽立空中旁侍。慧岸水又一白衣跪于前既而水退。一行玄宗開元三年九年。方山李長者玄宗開元七年。宋哲宗張商英至方山昭化院得華嚴決疑論。無畏玄宗開元四年。宋真宗瞻無畏塔製讚。金剛智玄宗開元七年。不空玄宗開元八年。韋老師玄宗開元八年。馬郎婦憲宗元和普賢化身。隋洪大聖文宗太和。宋仁宗祈雨加封。草衣德宗建中。賴殘德宗貞元。傳大士宣宗曾志願開塔。晉少帝吳越王問塔。湘山無量壽懿宗八年湘山全真禪師阿弥陀

佛化身。龜洋二真身僖宗三年泉州無了禪師及弟子惠忠二塔。顯子昭宗天復。岳林布袋弥勒化現五代梁。道賢五代唐。扣冰古佛五代唐。麻衣周太祖廣順。宋太祖建隆。婁道者宋太宗淳化。臨寶華佛化身。真宗召見。四世界婁道者云是日光菩薩化身。言法華宋太宗。仁宗默祝諸齋。峨眉茂貞真宗召見。南安岩主直宗時定光佛化身。龜山智悟真宗時祈雨斷臂云是五百羅漢中一。戒香痘女仁宗時四明戒香維衛古佛。李士寧仁宗時於洛陽謂衛開曰戒香痘女是維衛佛。蔡君

謨病目夢龍樹。潘蓋神宗時言法華云是日光佛。趙崇神宗時從潘蓋遊。佛陀波利普宗時額州太守蘇軾乞賜塔院額曰光梵

立壇受戒



漢明帝司空劉峻等並求出家此時但受二時

魏齊王西天曇摩迦羅至洛陽譯僧祐律立大僧羯磨受戒。高貴鄉公曇摩迦羅乞行受戒法沙門朱士行為受戒之始此後受戒者皆始於此晉康帝尼淨捨於本法得戒此後受戒者皆始於此宋文帝僧伽跋摩至建康為沙門惠照等於舡中再受具戒此後受戒者皆始於此○求那跋摩於南林

寺立戒壇為僧尼受戒尼惠果等於戒壇依

二眾重受具戒為僧十尼

寧僧統僧史略云漢度阿潘受三歸也平

度淨檢從一眾也二眾得戒慧果始也

梁武帝從約法師受具足戒太子公卿道俗

從師受戒者四萬八千人此應受沙門耆艾

亦重受戒法此受具足戒

唐高宗宣律師於淨業寺建石戒壇為岳渚

沙門再受具戒撰壇經。代宗敕大興善寺

建方等戒壇。穆宗中書令王智興於泗州

建方等戒壇請遇聖誕度僧。敬宗敕兩街

建方等戒壇左街安國寺右街興福寺。宣

宗以會昌沙汰敕上都荆揚汴益立方寺戒壇為僧尼再度者重受戒法。懿宗敕兩街四寺各建戒壇度僧。宋太祖以僧尼無間敕尼寺置壇受戒尼大德主之。真宗昇州崇勝寺賜名甘露戒壇。詔京師立奉先甘露戒壇天下諸路皆立。

戒壇元七十二所京師別立大乘戒壇。

設像置經。

周穆王子於沁水石窟造迦葉佛像。

秦繆公造佛銅像。

漢桓帝鑄黃金浮屠老子像。

晉武帝侍中荀勗於洛陽造金像十二。孝

武安法師於檀溪寺造銅像能自起行放光燭天。虞士戴逵自造無量壽佛像置靈寶寺。郗超撮香作禮勃然烟上。安帝江夷託戴顓造觀音夜夢人令改造弥勒觸手成妙。恭帝詔瓦官寺鑄丈六金像放光滿寺。宋文帝徐州造丈六金佛有冠難則像身流汗。孝武路太后於中興寺造普賢像。梁武帝幸同泰寺鑄十方佛金銅像。北魏獻文敕為太祖下五帝鑄丈六釋迦佛五軀。孝明為太后胡氏建永寧寺丈六金像浮屠九層高九十丈詔諸郡立五級浮屠。孝莊孟仲暉造夾紵佛每夜遶座行道。

永樂北藏

佛祖統紀

第二〇〇冊

孝武於平等寺建浮畵設萬僧齋石佛俯首終日

唐高祖為太祖下造等身佛三身。太宗夢虞世南敕造佛像一軀以資冥福。高宗敕洛陽龍門山鑿石龕盧舍那佛高八十五尺沙門智運於龍門山鑿石佛一萬五千身

海十

八

武后敕天下僧尼日一錢作大像于白司馬坂。玄宗勅諸郡開元寺鑄皇帝等身金銅佛像。沙門海通於嘉州大江鑿石為彌勒佛高三百六十尺覆閣九層。晉天福天竺沙門道翊獲奇木造觀音像持古佛舍利置豪相中白光煥發。宣徽將朱

崇掘地得大石佛舍家為寺。開運初敕為高祖寫大藏經奉安明聖寺。

漢高祖上柱國郭令威立石碑金剛經千壽

宋太祖敕益州雕大藏經板。敕往峨眉山敕飾佛像。真宗封泰山詔修衆像三十二

身御製修像記。敕沙門栖演脩龍門山石龕佛一萬七千身。哲宗敕往東林妝神運五殿佛像。蘇軾繪水陸像作贊十六篇。蘇軾得張氏畫十八羅漢為贊以授弟轍。高宗給事中馮檉造大藏經四十八所建寺造塔

周穆王子於鼓山建竹林寺

漢明帝始造白馬寺維陽京城內外十寺白馬寺東造佛舍利塔

魏吳王孫權武昌造昌樂寺潘夫人造惠寶

寺尚書令闕澤舍宅為德潤寺

今晉壽寺是

晉惠帝會稽諸葛氏造靈寶寺○成帝尚書

令李邕以句容宅靈耀寺王羲之廬山寺為

歸宗寺○許詢建塔四層之相輪一朝風雨

輪盤自備○康帝中書令何充舍宅為建福

寺○哀帝詔建瓦官寺○廢帝詔為支遁法

師建沃州寺○簡文帝詔為尼道客建新林

寺敕長干寺造三級塔○孝武帝潯陽刺史

學

九

永樂北藏

佛祖統紀

陶範舍所居為永法師建西林寺九江刺史

桓伊為遠法師建東林寺○荊州牧桓冲命

曇翼法師建東西二寺常及萬僧

宋高祖范泰建祇洹寺謝靈運建招提寺○

文帝為高祖建報恩寺○敕沙門道祐往鄆

縣建浮圖三級○沙門曇摩家多於鄆縣建

阿育王塔

齊高帝沙門玄暢建齊隆寺感青衣神人遶

山守護○武帝居士明僧紹以攝山宅為棲

霞寺

梁武帝曰宅七夜放光敕建光宅寺○詔修

長干塔得琉璃瓶或舍利八段○同泰寺浮

雷災更遑十二層浮屠。○華陽真人陶弘景於三茅山建浮屠白塔。○岳陽王蕭詧鎮越州重修觀木二塔。知前身是許詢。

北魏文成大復佛法詔郡縣各建浮屠一區。○敕建麻野寺與禪僧數百習學禪定。○孝文為太后建報德寺為羅什法師曰居草堂建三級浮屠。○宣武洛陽段暉聞地下鐘聲得金佛一菩薩二遂舍宅為寺。

北周常念寺藏舍利光明自瓶出建浮屠奉安之。

隋文帝詔相州戰地為軍士死事者建寺。○福。○辛彥之立十五層浮屠張元神遊天上。

見一堂天人曰辛刺史當居此。○詔天下名藩建靈塔奉藏舍利凡百十一塔靈瑞之迹備在僧傳。○唐公李淵舍宅為清禪寺。○詔建禪定寺召曇遷法師集名德百二十人居之。○智者禪師至玉泉感閭土役神兵造寺。○真觀禪師於虎林山建天竺寺。○場帝智

者遺言於天台山造國清寺。

唐高祖為沙門景暉立勝業寺為沙門曇猷立慈悲寺為并州起義立義興寺。○太宗詔以皇家曰宅為興聖寺。○詔於建義以來交兵之處各建寺破劉武周於汾州立弘濟寺。○李百藥撰碑云云。○詔以慶善宮為魏太

后建慈德寺為皇太子承乾建普光寺。詔以洛陽曰宅為天宮寺。詔為穆太后建弘福寺。皇太子為文德皇后建慈恩寺。高宗敕建西明寺大殿十三所。睿宗詔以沙門惠雲所造汴州達國寺為大相國寺。帝從以名玄宗敕以寢殿材建安國寺。弥勒殿。敕天下諸郡建開元寺龍興寺。肅宗上皇幸成都沙門英幹施粥救貧餒。國還再清敕建大聖慈寺九十六院八十五百區。尚書右丞王維與弟縉奉佛母喪以輞川第為寺。代宗夢遊山寺翌日瑯邪山建剎進畝賜名寶應寺。帝夢牛首山辟支佛來

見敦山中建七級浮屠。淮西兵馬使李重倩舍宅為佛經坊賜名寶應。宣宗敕天下諸寺脩治諸祖師塔。昭宗敕羅什譯經處重建草堂寺。晉曹山有梵僧群集山頂飛行而去敕建荷玉禪寺。

宋太祖吳越王例造金銅八萬四千塔布散國內。太宗周廢龍興寺為官倉寺僧擊鼓求復敕復為寺。賜天下無名寺額曰太平興國曰乾明。敕往五臺造金銅文殊菩薩像。詔建開聖禪寺奉天竺旃檀瑞像釋迦佛牙誡公真身。敕往天台山重建壽昌

寺造羅漢像五百十六身。開寶寺建塔十一層三十六丈上手。藏舍利塔放光照天地。真宗詔賜金修峨眉普賢寺。沙門繼全自西天還得佛舍利建塔揚州。勅江寧府長干寺塔賜名聖感。詔并州建資聖院為將士戰亡追福。仁宗勅京師建慈化寺為先帝薦福。勅再建靈感塔。內侍李允寧奏以第宅創十方淨因寺。詔建禪師居之。英宗敕天下私造寺院並賜壽聖之額。神宗勅開寶寺靈感塔御篆鴻福圓成之塔。哲宗四明延慶沙門介然創十六觀堂陳瓊為記。徽宗雲居祐禪師作三塔白雲端禪

師建祖堂洪覺範論之曰雲居白雲識度高遠斯可為天下法。高宗敕天下州郡立報恩寺為徽宗追嚴。敕西湖北山建天申萬壽圓覺寺。孝宗賜內帑於上竺建藏殿。敕賜錢於上竺建十六觀堂內翰樓鑰記。勅於禁中建內觀堂一遵上竺制度。

西天求法

魏高貴鄉公沙門朱士行西遊于闐得放光般若

晉安帝沙門法顯自西域往五天竺得經像

泛南海而還
宋高祖曇無竭往西竺二十年還揚都譯經

○後廢帝沙門法獻西遊于闐得提婆品
梁沙門智宣往西竺得梵經還
陳宣帝沙門智圓往西竺隋文帝時得梵經
還
北魏孝明遣使者宋雲沙門法力往西天得
梵經百七十部還
北齊後主沙門寶暹等往西天得梵本還
隋文帝陳朝沙門智周等西竺求經還
唐太宗勅李義表王元策使西竺登耆山刻
碑紀唐威德。玄奘三藏自西天求經還召
見詔撰西域記。武后初義淨三藏自南海
附舶往西竺求法至是將梵本寄佛逝國述

南海寄歸傳求法高僧傳。玄宗沙門惠日
往西天還召見說法賜號慈恩三藏法師
梁太祖沙門智宣往西竺求經還進佛骨梵
經
宋太祖沙門道圓遊五天竺還進舍利梵經
○沙門行勤等應詔往西竺求法所經諸國
並賜詔書令達人前導。沙門建盛自西竺
還進貝葉梵經。真宗開封府陳恕言沙門
往西天取經者宜察人材。仁宗沙門懷問
乞往西竺為今上建塔于佛金剛座側。沙
門懷問得濟永定等自中天竺還進佛骨舍
利貝葉梵經西天碑十九本

東土譯經

漢明帝摩騰竺法蘭至始譯四十二章經法蘭又譯佛本行經五部。桓帝支謙譯般若三昧經等二十一部。靈帝竺佛朔譯道行般若經終漢之世譯經三百餘部。信士嚴佛調譯古維摩經

四

十三

魏齊王曇摩迦羅譯僧祇律曇無德譯四分戒本。康僧鎧譯無量壽經。高貴鄉公沙門帛延至洛陽譯無量清淨平等覺經。沙門朱士行至于闐得放光般若經。晉武帝竺法護譯正法華涅槃經等。孝武鳩摩羅什至秦譯大品般若經。安帝羅什

在秦譯妙法華經遺教經維摩經大智度論。曇無讖至涼譯悲華經大般涅槃經。佛陀邪舍在秦譯四分律。佛陀跋陀羅於建康譯華嚴經。宋少帝佛陀什譯五分律。文帝曇摩密多譯普賢行法經。良邪舍譯無量壽佛經。

齊高帝曇摩邪舍譯無量義經

梁武帝沙門衆善譯文殊般若經帝親筆受。真諦譯金光明經。簡文帝真諦譯起信論俱舍論。北魏宣武菩提流支於紫極殿譯經帝親筆受。

陳文帝闍那崛多譯佛本行經三十二部學士費長房華受

隋文帝笈多崛多重譯法華經八卷者

唐太宗玄奘三藏上新譯菩薩藏經顯揚聖教論等。共法師譯瑜伽地師論教頒賜九道總管御製聖教序。高宗佛陀多羅譯圓

覺經勅左僕射于志寧吏部尚書來濟燕譯經潤文。詔玄奘三藏譯大般若經六百卷。沙門會寧泛海至訶陵國遇智賢對譯涅槃後分經二卷。敕三藏日照杜行顓共譯佛頂尊勝咒勅不避國諱。武后遣使往于闐國迎實叉難陀至東都重譯華嚴經八十

卷此譯二。中宗宰相房融至南海遇般刺密諦譯首楞嚴經融親筆受。詔義淨三藏譯藥師七佛經上親筆受。詔菩提流志於佛光殿譯經上親筆受百僚侍坐。菩提流志譯寶積經脩文館學士武平一充翻經使盧藏用等潤文。菩提流志進新譯經賜齋十四林光嚴敕畫工畵翻經大德于歿壁。睿宗菩提流志譯寶積經宰相張說侍郎陸象先博士賀知章等潤文。德宗菩提流志進寶積經百二十卷御製聖教序。般若三藏譯烏荼國進本華嚴淨行品帝親預譯塲臨文裁正。般若三藏澄觀法師進新譯華嚴經

四十卷次譯三。憲宗勅諫議孟簡等於醴泉宮監護譯經潤文。

宋太祖天竺沙門法天譯聖無量壽經王龜從潤文。太宗召法天入京師始興譯事。三藏天息災施護至敕赴闕召見。詔建譯經院。今天息災等居之。述譯經儀式自譯主

至潤文凡九位。車駕親幸賜坐。尉諭。真宗上幸譯經院觀譯經。知制誥朱子昂兼譯經潤文官。侍郎陳恕言譯經院久費供億乞罷之上。以先朝盛典不許。宰相王欽若兼譯經潤文使。宰相丁謂兼譯經潤文使。翰林學士晁迥李維兼潤文官。仁宗三歲

惟淨乞停罷譯經。上曰三聖曰典焉敢即廢。且琛貢之籍非鴻臚則不可識。宰相章得象兼譯經潤文使。宰相文彥博兼譯經潤文使。翰林夏竦等進新譯經音義七十卷。右僕射譯經潤文使呂夷簡參知政事潤文官宋綬奉詔脩法寶錄。宰相富弼兼譯經潤文使。徽宗譯經三藏金總持南遊江浙目僧數。唐玄宗沙門智昇撰開元釋教錄凡五千一百八十八卷。宋仁宗三歲惟淨進天聖釋教錄凡六千一

百九十七卷

北魏孝靜僧尼二百萬人寺三萬所

北齊文宣僧尼四百萬人寺四萬所

宋真宗僧三十九萬七千六百十五人尼六

萬一千二百四十人。仁宗僧五十八萬五

千五百二十人尼四萬八千七百四十人。

神宗僧二十二萬六千六百六十人尼三萬四千

三十人。高宗僧二十萬

天台傳教

北齊河南文禪師悟龍樹一心三智之旨為

思禪師說三觀口決

陳文帝思禪師於大蘇山為顓禪師說四安

永樂北藏

佛祖統紀

樂行示普賢道場。廢帝思禪師來居南岳
為岳君授戒法。宣帝顓禪師於金陵瓦官
寺為儀同沈君理等開法華經顯。少帝詔
瓦官禪師赴太極殿開大智度論顯。仁王般
若經顯。詔瓦官禪師居光宅寺帝幸寺聽
講。仁王經。光宅禪師講法華經章安頂禪
師預聽

隋文帝晉王廣於揚州迎禪師授菩薩戒師
號曰智者。智者禪師於玉泉山為閔王父
子授菩薩戒。智者於玉泉山說法華玄義
章安預聽。智者於泉玉山說摩訶止觀章
安預聽。恭帝章安於天台國清為法華威

禪師說止觀

唐高宗法華為天宮威禪師說止觀。武后天官為左溪朗禪師說止觀。玄宗左溪為荆溪然禪師說止觀。代宗荆溪為佛隴為還法師說止觀。德宗還法師於國清為備法師說止觀。文宗備法師於禪林為外法師說止觀。僖宗外法師於國清為琇法師說止觀。昭宗琇法師於國清為竦法師說止觀。晉高祖竦法師於國清為寔法師說止觀。宋太祖寔法師於螺溪為通法師說止觀。諸法門。太宗通法師於寶雲為禮法師說止觀。

觀諸法門。真宗禮法師於南湖保恩。荅曰本源信法師問目。賜保恩額為延慶。同異聞師作誠誓辭二篇。俾為長講。天台教法之地。禮法師結十僧脩法華懺三年。焚身供法。翰林楊億貽書勸請住世。詔賜東掖山智者教文印本四千六百二十卷。都尉李遵勗奏四明禮法師高行遺身上。嘉歎賜號法智。詔遣內侍俞源清往四明延慶請法智。領衆修懺祈福為述修懺要旨。章懿太后遣使詣天竺請式法師為國行懺。師上金光明護國儀因奏天台教卷乞入大藏。仁宗敕內侍楊懷古詣天竺為國祈福。式法師復

乞天台教文入藏。延慶法智於佛生日繼
魚鳥述放生文郡守曾會以聞敕樞密劉筠
撰文立石寺門。延慶法智策試生徒名開
韓四十二章至今為法。詔賜天台教文入
藏飯靈山千眾。東掖山如法師集百僧脩
長懺都尉馬遵勗聞于朝賜號神照與郡守

章得象諸賢結白蓮社。神宗海月大師惠
辨居天竺靈山郡補都僧正凡管内寺院虛
席會諸刹英俊開問義科場銓名考校。孝
宗勅福州東禪依天聖二年降旨天台教部
鐫板入藏。寧宗荆門軍乞加封玉泉智者
勅賜靈惠大師。理宗靈山守愚奏法智大

師所著記鈔二百餘卷乞入藏制可

禪苑傳燈

梁武帝大通元年菩提達磨汎海至廣州詔
入見問如何是聖諦第一義師云廓然無聖
帝曰對朕者誰師云不識帝不契師渡江入
魏

北魏孝明武泰元年達磨自梁入魏止嵩高
山少林面壁三詔不至。文帝大統元年達
磨傳法及袈裟於惠可端坐示滅葬熊耳山
定林寺

隋文帝二祖惠可先傳法於僧祭往正教寺
說法有和法師謗于邑加以非法先謂祭曰

吾有宿累今當償之。煬帝三祖僧祭居皖公山傳法於沙彌道信儼立而化。

唐太宗四祖道信居黃梅山四徵不起。四祖居破頭山有老僧號栽松道者寄生周氏女見四祖令出家是為弘忍。四祖望破頭山紫氣如蓋下有白氣橫分六道忍曰莫是

和上它日橫出一枝佛法无祖曰如是。高宗五祖弘忍見行者惠能壁間書偈夜召能告之曰佛以正法眼藏展轉傳授吾今授汝并所傳袈裟用以表信能通夕南邁明上座追至虔嶺能擲衣鉢於石上明舉之不動。高宗牛頭融禪師得法於五祖應橫出一

枝佛法之記。慧能至廣州值印宗禪師為其落髮受戒大開東山法門明年歸曹溪。中宗遣使迎六祖入京行道表辭以疾。肅宗敕使往韶州迎六祖衣鉢入內供養。代宗夢六祖請衣鉢還山敕劉景頂戴送還。詔忠國師入見問太白山人識山識地識字

善笑云。憲宗江州刺史李渤問歸宗常禪師如何是芥子納須弥云。居士龐蘊問馬祖云不與萬法為侶是什麼人云。龐公謂州牧于頔曰但願空諸所有謹勿實諸所無。百丈海禪師始創禪居稱長老上堂升座主賓問酬云。後世廣之名禪范清規。穆宗

侍郎白居易見歸宗值師泥壁云。白居易
知杭州問道烏窠禪師云。文宗觀察使陸
亘請南泉入郡問道云。宣宗敕鹽官齊安
禪師以師禮召力辭。召弘辯禪師入見問
道。懿宗雪峯存禪師居山四十年法席冠
天下云。昭宗仰山寂禪師稟法於為山世
稱渴仰宗。趙王見趙州諗禪師云
梁太祖玄沙備禪師閩王待以師礼
唐莊宗召三聖惠然禪師入內殿問禪法云
周世宗江南唐後主以師礼待益禪師謚大
法眼
宋太祖敕韶州開視雲門塔真身如生迎赴

闕供養。仁宗眉山蘇洵謁祖印訥禪師問
法。大覺璉禪師乞歸老山中進頌云。英
宗璉禪師乞歸育玉山建宏奎閣奉先朝聖
製蘇軾作記。神宗詔華廬山東林為禪席
命摠禪師居之應遠公七百年之識。哲宗
詔陽南華重辯請蘇軾書柳宗元六祖碑云
云
○四明大梅山英禪師稱照律師分慈愍三
藏集謗禪宗為異見著空作解謗以詰之
徽宗知和禪師至四明正言陳禾招居東湖
二雪山一席為侍者云
律宗垂範
梁武帝度律師眾聖點記

陳宣帝文律師上書免僧侶轉輸之役。環
律師勅總知國內初受戒者參律五夏
北魏孝文法聰律師專諱四分律門人道
錄為義疏

隋文帝雪藏律師帝手勅曰弟子是俗人天
子律師是道人天子由是度人至數萬

唐高宗宣律師在西明寺行道足跡有聖者
扶其足曰此天王太子那吒奉命來衛及獻
佛師與天人廣問律相西天勝迹作天人感
通傳。智光律師於廣州與行者惠能授滿
分戒。中宗敕文綱律師入大內安居行道
。詔道岸律師入宮為妃主授歸戒命書形

林光宮製御讚。玄宗日本國沙門藥磨至
揚州律師鑒真與睿附舶而去王迎勞之館
毘盧殿請授歸戒日本律學始此

宋仁宗杭州允堪律師述會正記釋南山律
文。徽宗杭州元照律師約法華開顯作資
持記釋南山律文。理宗明慶思律師奏南

山大智律文乞入藏制可
神尼異行



晉康帝比丘尼淨捨於本法得戒有天女下
庭忻然攜手躡光升天。廢帝洛陽東寺尼
道馨說法華維摩聽者如市。簡文帝召烏
江寺尼道容授八關齋戒。孝武帝桓溫在

姑熱有異尼來見求浴以刀破腹斷兩足謂
溫曰卿若作天子亦當如是云

宋文帝尼道壽誦法華有寶蓋垂覆頂上

明帝尼淨秀感龍王諸天驅使

梁武帝剡川尼法宣誦法華見帳蓋覆其上
郡守請為越城母師

陳武帝高郵尼誦法華十爪生華蹠華手尼

隋文帝始生般若寺尼智仙視育之及長密
告之曰汝當大貴佛法暫廢賴汝而興

唐武后絳州二女亡旦詣墳號哭忽生蓮花
五莖后聞召一女親為落髮。德宗安國寺
二尼持法惠忍同修法華三昧忽有尼蹠空

姑來止宿中夜身光赫然人謂是普賢
名山勝迹

阿育王山晉武帝時劉薩訶至鄒山求舍利
塔始建精舍因號阿育王山。太白山晉惠
帝沙門義興廬於山中太白化童子給侍因
號天童太白山。唐玄宗高僧法唐案故迹

立精舍誦法華太白化童子送供因號太白
禪師名其山曰天童。天竺山晉成帝沙門
竺惠理至廬林山唐時建精舍驚曰中天竺靈
鷲小嶺何年飛來因名天竺山飛來峯靈隱
寺。石城山齊武帝沙門僧護於剡縣石城
山鑿石造弥勒佛後有僧淑僧祐相繼鑿成

高十一丈天神謂宣律師即護洲祐後身世
稱為三生石佛。唐昭宗吳越王達瑞相寺
以奉石像。○羅浮山唐玄宗勅羅浮山是華
首菩薩住處特立延祥寺。○五臺山記云山
形五峙周五百里中臺高四十里上有文殊
彌勒石像東南有清涼寺文殊所居。宋太平
年唐高宗敕沙門會曠詣五臺見金光滿
殿空聲善哉。○蜀賓沙門佛陀波利至五臺
遇老人令還西土取佛頂尊勝咒云。○代宗
沙門法照謁五臺見金門樓觀文殊普賢分
座說法因建竹林寺。憲宗無著禪師入五
臺見山翁牽牛隨入一寺呼均提童子進玳

瑁盃對飲酥酪。○穆宗裴度奏五臺文殊見
從者萬衆。○宋太宗敕內侍往五臺造金銅
文殊萬菩薩像重脩真容華嚴十寺。○大洪
山唐文宗善信大師斷足而化張武陵父子
侍立亦解化人稱大聖二聖云。○峨眉山志
云昔蒲翁入山見普賢大士真相自茲顯迹
宋太祖敕往峨眉山莊嚴佛像因嘉州奏普
賢見相。○太宗勅往成都鑄金銅普賢像安
峨眉山白水寺三峨高出五岳秀甲九州為
震旦第一山。○通判王衮往峨眉見瓦屋山
皆變金色中有普賢。○敕送寶冠袈裟往峨
眉普賢寺見大士乘紫雲行空中。○廬蕩山

山頂大池相傳為鴈蕩下二潭為龍湫諸矩
羅尊者所居見真宗補陀山唐宣宗補陀
山在大海中去鄞城東南水道六百里大悲
經所謂補陀落迦山觀世音宮殿山有潮音
洞洞前石楠瞻禮者或見大士善財淨瓶頻
伽云云天下名山不止於此今但取通處所引故尔

聖教感通
魏正始康居沙門康僧會入吳吳主令求舍
利潔齋懇求三七日鏗然有聲云云
晉成帝蘇峻亂焚燒官室獨樂賢堂所畫釋
迦像不壞
宋文帝將軍王玄謨將形夢人教念十句觀

音經遂得免北齊武成孫敬德有罪當死夢
僧教誦經千遍臨刑刀三折宋嘉祐龍學梅
摯妻失目夢白衣教誦十句觀音經雙目復
明此經前住三顯
齊武帝劉霽母疾誦觀音數萬夢僧曰夫人
冥盡當為申延六十日。竟陵王夢中作維
摩一契詠之群鶴飛舞。晉安王七歲母病
請僧行道銅鑿蓮花鮮紅七日。明帝腰囊
恭五歲母病思瓜俄有僧遺一瓜
北魏文成疏勒國進佛袈裟長二丈帝命焚
試終日不煞。孝莊永寧寺淨齒莫東萊人
見在海中

隋煬帝為智者設千僧齋觀溢一人咸謂化
身來受國供開視靈塔唯空牀虛帳

唐高祖李錄事亡往餘法師屢聽法與人言
曰人頭以上便是鬼神諸天充滿。高宗英
禪師修設梁武水陸感秦莊襄王張儀等致
謝云。憲宗法師智誓炊飯散郊外視之曰

食吾飯者願為法侶後二十年往鄴城開講
座下千眾皆年少。官軍與吳元濟戰鄧隱
峯振錫飛空兩軍仰觀歎異。懿宗禁中設
萬僧齋有長眉僧來應供受觀畢陵空而去
昭宗文矩禪師謁西院時五百僧俱染時
疾師以杖點之隨杖而起

宋太祖至相國寺見僧醉嘔密令小璫取吐
物則真乳香。上親征揚州以固拒欲阮之
有沙門稱清範來乞恩宥翌日幸龍興寺見
殿上羅漢手擎草表。真宗開寶寺金色光
見上幸敬觀地上獲舍利五千粒。仁宗夢
龍蟠景德寺地遣使視之僧道隆卧門外召

賜十

升三

見為建院云。相州發塔基得佛髮舍利引
之甚長人從中過往來不斷。神宗雷峯才
法師為靈芝元照等授菩薩戒見觀音像放
光。朱壽昌刺血書經求母五十年得於同
州。哲宗張商英遊五臺見文殊在金光中
。揚傑詣焚林禮大士輪藏自轉。登封令

樓昇修少林道場產芝草十二本雨甘露夜有光屬天。徽宗揚州奏泗州大聖見于普慈塔。詔移釋迦像至御容殿像俛首過橫梁又持紙度像足。道法師流道州郡守募佛像荷枷入城守知其異令善待之。孝宗魏公史浩初攝昌國監監謁補陀山見大士金色雙齒有長身僧來見語公廢官至太師持誦功深

晋安帝沙門曇翼誦法華感普賢來試云。沙門法莊誦法華房門神兵衛護。沙門曇遠赴日塢神祠請講法華九十日

宋孝武沙門僧瑜常持法華是年入紫龕焚

身所居生雙桐樹。沙門惠蓋誦法華焚身帝駕往勸止不從詔焚慶建樂王寺

梁武帝度說誦法華舉家聞上行先生已生淨土。元帝瑛法師誦般若經獲延年

北魏博士盧景祐繫獄至心誦經枷鎖自脫

隋文帝沙門惠盈講法華五道大神請授戒法

唐高祖書生荀倩空中書金剛經曰擬諸天讀誦後大雨其地丈餘不濕異僧曰此地空中有經諸天以寶蓋覆之。太宗岑文本常念普門品乘舟吳江舟覆隨波至岸後於家設齋一僧曰天下方亂君幸不預災終至富

賢太宗朝爲中書令。玄宗沙門慧金誦法華經至寶塔品。塔忽現前。遂州任善病亡。同一僧至闕王所。僧曰常誦金剛經。忽有五色雲迎。僧升天。冥官謂善曰。汝亦曾誦即令放還。漣水趙壁路逢亡妻。言今受苦可取衣裝。造金剛經一部。將畢。因過墓所。老人云。汝

妻已生天。蘇珪合家常誦金剛經。姜崔氏以瘦悴竊食肉。爲骨體氣絕。見闕王責曰。汝夫是肉身菩薩。汝何爲食肉。賴有誦經功。延壽二十年。遂蘇。肅宗沙門抱玉入京受戒。帝夢吳僧誦法華。口出五色光。代宗沙門道遵置法華經院。舉高行十四人。常持法

華以燭繼晝。別駕周伯達常持金剛經。忽見梵僧自稱須菩提。謂曰。汝誦經何不斷肉。伯達疎懼。即跪。素祥感屢見。玄宗尚食厨烹雞子。忽群卵呼觀音菩薩。敕不得用雞子。又一日食蛤蜊。有蟹不開者。俄變爲大士形。因詔天下寺院皆立觀音像。

宋太祖詔沈義倫以金銀字寫金剛經。召沙門崇蘊入內講演。孝宗四明沃承璋行雪月大師般若經。闕云。光宗都官陸沅日誦法華三部。及煆蓮華香氣自口鼻而出。西遊樂國。晉廬山東林遠法師與西林永法師劉遵氏

宗炳嘗次宗十八賢結社念佛
梁武帝庾詵家人聞空聲云上行先生已生

淨土

北魏太武繼沙門玄高惠崇殺之弟子法進
號呼即見高於空中問和上與崇公當生何
所高曰我往惡處度生崇公已歸淨土

唐

廿五

唐太宗善導法師至京師造彌陀經十餘萬
卷盡淨土變相三百餘壁滿長安中並從其
化云德宗法照法師於并州行五會教人
念佛帝聞東北方有念佛聲遣使尋至太原
乃迎入禁中教官人念佛亦及五會沙門
少康往新定化郡人念佛每外座唱佛衆見

一佛從口出連唱十聲則見十佛後放異光
數道而逝。宣宗白居易畫西方淨土一部
晝夜供養一夕念佛而化。懿宗湘山全真
禪師坐亡世稱無量壽佛化現
宋太祖吳越王錢氏請壽禪師居永明日暮
往別峯念佛後焚香告衆加趺而化。仁宗
文彥博在京師與嚴禪師結僧俗十萬人念
佛。哲宗楊傑繪丈六阿彌陀佛隨身觀念
感佛來迎。蘇軾嘗攜阿彌陀佛一軸曰此
軾往生西方公據也。高宗金虜破四明逼
湖心肇律師北行至京口謂人曰吾西歸矣
即聞笙歌之聲一時軍民咸見師西望念佛

而化。侍即吳秉信被召至蕭山驛舍聞天
樂聲即曰金臺已至言訖而化。孝宗龍舒
王日休念佛日千拜一夕云佛來接我也屹
然立化為淨土文行於世。若欲知古今佳生
事速讀華嚴土生
卷七佛祖統紀卷第五十三
梁 楊十